

# TARDE – LANCIANO = 1 A 0...A CCI' 'NA PALME E A CCI'....PALMINE

L'ha mann't Aldo "Diecipalazzine"

domenica 16 marzo 2008

Ultimo aggiornamento sabato 22 marzo 2008

Avugùrie a tütte quànde pe le Pàlme e buon onomastiche a Palmine! ehehehe&hellip; ci è Palmine? Com&rsquo;èèèè tütte le uagnùne a&rsquo; canoscène&hellip; ehehehe. Palmine ha sciùte sèmpre assième a Federiche&hellip;&rsquo;a màne amiche&hellip;. e ha ffàtte sèmpre cumpàgnie alle uagnùne tarandine quànne no truavéne &lsquo;na uagnèdde pè farèscià&hellip;. dicime&hellip; Quanda sciurnàte amme passàte a ccòre a ccòre cù Palmìna nòstre e quànda amice mije hònne diventàte cecàte pe stù fàtteeee.

Méne mò! Parlàme d&rsquo;u Tàrde nuèstre ca osce n&rsquo;otre picche no benedive le pàlme indr&rsquo;o lacovòne vacante piccè c&rsquo;ù Lanciàne nònge amme stàte càcchje cù facime tréte-quàttre gòl&hellip; sùle jùne n&rsquo;amme fàtte&hellip; p&rsquo;gràzzie de Dddije e ha segnate CARROZZA accòme a dumenéca scòrse. Quidde maggiàte de BARASSO, &lsquo;u purtiére pizzarròne ca tenime, n&rsquo;otre picche facéve n&rsquo;otre uaje e menumàle còme n&rsquo;ha sciùteeeeeeee. Comunque &lsquo;u Tàrde nuèstre a ppàrte le chiacchiére, ha fatte &lsquo;na partita onèste&hellip;almène accusi dicéne l&rsquo;òtre, piccè nemmànghe osce amme sciùte &lsquo;o càmbè grazzie all&rsquo; Osservatorie Sportive ca pe mmè nonge ossèrve pròbbie niènde anzi nònge véde probbieeeee&hellip;. Bah paciènze&hellip; Ha accumenzàte a Settimana Maggiore&hellip; &lsquo;u tièmbe se ne vè all&rsquo;acque, accòme a ogn&rsquo;anne, le banne geràne, se trascinène &lsquo;a musèche e &lsquo;u cammine de le Tarandine devènte nazzecàte&hellip; Càlate Fratèèèè, &lsquo;a Madòne te stè spètte!